



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

Epistola IV. Honorii Papae II. Ad Regem Daniae. Ipsi Gregorium legatum
suum commendat.

urn:nbn:de:hbz:466:1-15588

cepimus, & quem canonice electum, & a venerabili fratre nostro Guarimundo Hierosolymitano patriarcha consecratum accepimus, pallii dignitate, plenitudine videlicet pontificalis officii, decorauimus. Quia vero de persona sua maximum fructum matri ecclesiae vestrae Tyri, diuina suffragante misericordia, credimus prouenturum, ipsum cum gratia sedis apostolicæ & nostrarum literarum prosecutione ad vos duximus remittendum. Vniuersitati ergo vestra mandando præcipimus, quatenus eum benigne recipiatis, & tamquam proprio metropolitano, & animarum vestrarum episcopo, subiectionem, obedientiam & reuerentiam humiliter deferatis.

E P I S T O L A III.

HONORII PAPÆ II.

AD GVAREMVNDVM HIEROSOLYMITANVM
ARCHIEPISCPVM.

Eiusdem argumenti.

*Honorius episcopus seruus seruorum Dei venerabili fratri Guarimundo Hierosolymitano patriarchæ salutem
depostolicam benedictionem.*

SVSCPTIS fraternalitatis tuæ literis, fratrem nostrum Vvilemum, quem in ecclesia Tyri consecrasti archiepiscopum, benigne suscepimus, & eum dignitate pallii, plenitudine videlicet pontificalis officii, decorauimus. Suffraganeis etiam ecclesiae suæ præcepimus, quatenus ei tamquam proprio metropolitano subiectionem & obedientiam deferant. Data in territorio Barenſi octauo Idus Iulii.

E P I S T O L A IV.

HONORII PAPÆ II.

AD REGEM DANIÆ.

Ipsi Gregorium legatum suum commendat.

*Honorius seruus seruorum Dei . . . illustri regi Daniæ, salutem
depostolicam benedictionem.*

ECCE iuxta precum tuarum instantiam, & promissio-
nem nostram, misimus ad te dilectum filium nostrum

56 HONORII PAPÆ II. EPISTOLÆ.

Gregorium de Crescentio , sancti Theodori diaconum cardinalem , apostolice sedis legatum , virum vtique prudentia & honestate conspicuum , & nobis inter alios fratres nostros , suis exigentibus meritis , specialiter carum , concesso sibi plenæ legationis officio per omnes terras , quæ tuæ iurisdictionis existunt , vt extirpet nocua , & plantet salubria , prout quæque secundum datam sibi a Deo prudentiam viderit facienda. Rogamus igitur regiam celsitudinem tuam , quatenus ipsum , imo verius nos in ipso , recipias hilariter , & honorifice tractes , & a subditis tuis ei facias dignam honorificentiam exhiberi ; vt deuotio , quam te ad apostolicam sedem habere confidimus , clareat in effectu , & nos ac fratres nostri per hoc merito in tua caritate crescamus : idemque legatus , qui per se ac suos , qui magnum locum in Vrbe obtinere noscuntur , grata tibi poterit vicissitudine respondere , ad tuam dilectionem perpetuis temporibus obligetur. Datum Laterani quarto Kalendas Ianuarii , pontificatus nostri anno quinto.

CONCILIVM LONDONIENSE I.

A V C T O R I T A T E I O A N N I S D E C R E M A cardinalis & apostolicae sedis legati indictum , quo sexaginta patres , ad reformatos prauos ecclesiæ mores , sequentia capitula ediderunt nono Septembri , anno Domini MCXXV . tempore Honorii papæ II.

N O T A.

Acta Con-
cili.

^a *Concilium.] Celebratur Synodus Londonia , ait continuator Florentii Vigorniensis scriptor huius temporis , in ecclesia beati Petri apóstolorum principis apud Vestmonasterium , mense Septembri , nona die eiusdem mensis , id est v. Idus Septembri , ubi post multarum discussio- nem causarum promulgata sunt hec capitula , & ab omnibus confirmata , numero 17. Praesuit autem huic Synodo Ioannes de Crema , sancte & apostolicae ecclesiæ , de titulo sancti Chrysogoni , presbyter cardinalis , & domini papa Honorii in Angliam legatus , cum Guilielmo Cantuariensi & Turstanio Eboracensi archiepiscopis , & cum episcopis diuersarum provinciarum numero 20. & abbatibus circiter 40. & cum innumeris cleri & populi multitudine. Sunt autem hec capitula.*

C A P I-